



УЛСЫН БҮРТГЭЛИЙН ЕРӨНХИЙ ГАЗРЫН ДАРГЫН ТУШААЛ

2019 оны 12 сарын 31 өдөр

Дугаар 617

Улаанбаатар хот

Б.Оюунцэцэгт сахилгын
шийтгэл ногдуулах тухай

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.3.5, 8.4, Захиргааны ерөнхий хуулийн 26 дугаар зүйлийн 26.1, 27 дугаар зүйлийн 27.4.3, Төрийн албаны тухай хуулийн 37 дугаар зүйлийн 37.1.8, 37.1.13, 48 дугаар зүйлийн 48.1.2, Улсын бүртгэлийн ерөнхий хуулийн 17 дугаар зүйлийн 17.1.7 дахь заалт, Монгол Улсын сайд-Засгийн газрын хэрэг эрхлэх газрын дарга, Төрийн албаны зөвлөлийн даргын 2019 оны 36/32 дугаар хамтарсан тушаалаар батлагдсан Төрийн жинхэнэ албан хаагчид сахилгын шийтгэл ногдуулах, түүнд гомдол гаргах журмын 5.1, Улсын бүртгэлийн ерөнхий газрын даргын 2018 оны А/211 дүгээр тушаалын хавсралтаар батлагдсан Улсын бүртгэлийн ерөнхий газрын хөдөлмөрийн дотоод журмын 10.1 дэх заалтыг үндэслэн ТУШААХ нь:

1. Нийслэлийн Сүхбаатар дүүрэг дэх Улсын бүртгэлийн хэлтсийн 6 дугаар хорооны улсын бүртгэгч Баянжаргалын Оюунцэцэг нь эцэг /эх/-ийн нэр, өөрийн нэр өөрчилсний бүртгэл хөтлөхдөө Иргэний улсын бүртгэлийн тухай хууль, холбогдох журмыг зөрчин албан үүрэгтээ хариуцлагагүй хандсан нь хяналтын улсын байцаагчийн 2019 оны 11 дүгээр сарын 20-ны өдрийн 4290 тоот дүгнэлтээр тогтоогдсон тул түүнд албан тушаалын цалингийн хэмжээг 2019 оны 12 дугаар сарын 27-ны өдрөөс 3 сарын хугацаагаар 20 хувиар бууруулах сахилгын шийтгэл ногдуулсугай.

2. Өдөр тутмын үйл ажиллагаанд холбогдох хууль тогтоомжийг мөрдөж, албан тушаалын тодорхойлолтод заасан зорилго, зорилтоо хэрэгжүүлж, үүрэгт ажилдаа хариуцлагатай хандахыг улсын бүртгэгч Б.Оюунцэцэгт үүрэг болгосугай.

3. Албан хаагчдад ажлын хариуцлага, дэг журмыг чанд сахин ажиллахыг анхааруулж, арга зүйн удирдлагаар хангаж ажиллахыг Нийслэл дэх Улсын бүртгэлийн газар /Г.Анхныбаяр/, Сүхбаатар дүүрэг дэх Улсын бүртгэлийн хэлтэс /В.Мөнгөнсүх/-т, тушаалын хэрэгжильтэд хяналт тавьж ажиллахыг Тамгын газар /Г.Цолмон/-т тус тус үүрэг болгосугай.

4. Энэ тушаалыг эс зөвшөөрвөл тушаалыг мэдэгдсэнээс хойш 30 хоногийн дотор төрийн албаны төв байгууллагад гомдол гаргах эрхтэй болохыг дурдсугай.



ДАРГА

Б.БААСАНДОРЖ

Боловсруулсан: ОУрма
Хянасан: г.Чойбалсан, г.Шонхирэн
Хувь:
Огноо: 2019.12.30

